



Sud Bosne i Hercegovine

Суд Босне и Херцеговине

Broj: Su-08-137/15

Datum: 28.07.2015.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-135/15 od 27.07.2015. godine u postupku javne nabavke usluge održavanja SmartNet paketa– JRJN: 72267100-0, donosim

ODLUKU

o izboru najpovoljnijeg ponuđača za nabavku usluge održavanja SmartNet paketa

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-135/15 od 27.07.2015. godine i Ugovor za nabavku usluge održavanja SmartNet paketa - oznaka i naziv iz JRJN: 72267100-0 (Održavanje programske podrške za informacijsku tehnologiju), dodjeljuje se ponuđaču „**Recro-net**“ **d.o.o. Sarajevo**, sa sjedištem na adresi Tešanjaska 28b, a ponuda ovog ponuđača broj: 0321/15 od 21.07.2015 godine za ponuđenu cijenu od **2.106,00 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**Recro-net**“ **d.o.o.** po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluge održavanja SmartNet paketa broj: Su-08-62/15 od 18.05.2015. godine. Javna nabavka je provedena putem konkurentskog zahtjeva za dostavu ponuda broj: Su-08-112/15, a procijenjena vrijednost javne nabavke bez PDV-a je 1.700,00 KM. Obavještenje o nabavci objavljeno je na portalu javnih nabavki pod brojem 243-7-2-116-3-13/15 od 08.07.2015. godine. Zahtjev za dostavu ponuda proslijeđen je na adrese tri ponuđača („Recro-net“ d.o.o., „Avacom Group“ d.o.o. i „QSS“ d.o.o.) istovremeno sa slanjem obavještenja na Portal javnih nabavki dana 08.07.2015. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge održavanja mrežne i serverske opreme. Komisija je blagovremeno i pravilno izvršila javno otvaranje ponuda dana 21.07.2015. godine i sačinila Zapisnik sa otvaranja ponuda koji je proslijeđen ponuđaču koji je jedino učestvovao u postupku. Nakon otvaranja ponuda Komisija je pristupila ocjeni ponude te o tome sačinila odgovarajući zapisnik u kojima je utvrđeno slijedeće: da je blagovremeno pristigla jedna ponuda; da nije bilo neblagovremeno zaprimljenih ponuda; da je ponuda ponuđača ocijenjena prihvatljivim u skladu sa tenderskom dokumentacijom. U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponude.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Prema članu 89. Zakona o javnim nabavkama BiH, kada ugovorni organ primi jednu prihvatljivu ponudu dodjeljuje ugovor tom ponuđaču te je nesporno da je izabrani ponuđač „Recro-net“ d.o.o. izabran kao jedini ponuđač u postupku sa cijenom koja je ponuđena u iznosu od 2.106,00 KM bez PDV-a.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.



PREDSJEDNICA SUDA

Meddžida Kreso